



CANTON SARAJEVO
Cantonal Civil Protection Administration
Operational Center

Broj: 04-40-1-33/20
Sarajevo, 03.02.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 31.01.2020. do 08:30 sati 03.02.2020. godine

Kantonalni operativni centar civilne zaštite je dana, 01.02.2020. godine u 19:37 sati primio informaciju, od građanina, da su se dvije osobe (mladić od 22 godine i djevojka od 21 godinu) izgubili na širem lokalitetu Bjelašnice u rejonu sela Lukomir. Dežurni u Kantonalnom operativnom centru civilne zaštite odmah je obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite Kantona Sarajevo, u skladu sa propisanim procedurama angažovana je Služba za spašavanje iz lavina, potrage i spašavanje na vodi i pod vodom Kantonalne uprave civilne zaštite Kantona Sarajevo, čija su tri tima sa 15 spasioca odmah izašli na teren i u katkom vremenskom periodu stigli na Bjelašnicu i krenuli u akciju potrage terena gdje su se osobe izgubile (lokalitet sela Lukomir). Pripadnici navedene Službe su u 00:12 sati uspješno locirali i pronašli dvije izgubljene osobe, te ustanovili da nemaju povreda i da su dobrog zdravstvenog stanja. Isti su prebačeni prema selu Umoljani, a zatim na Bjelašnicu te za Sarajevo. U akciji spašavanja pored navedene Službe za spašavanje iz lavina, potrage i spašavanje na vodi i pod vodom Kantonalne uprave civilne zaštite Kantona Sarajevo još su učestvovali pripadnici FUCZ i službenici PS Trnovo.



U izvještajnom periodu Kantonalni operativni centar civilne zaštite primio je dvije informacije o pronalasku NUS-a:

- dana, 31.01.2020. godine u 10:58 sati, od Općinske službe civilne zaštite Općine Ilidža, da se u njihovim prostorije nalazi jedna tenkovska granata
- dana, 01.02.2020. godine u 14:35 sati od PS Ilijaš, da je u naselju Bioča pronađeno jedno nepoznato neeksplozivno ubojno sredstvo.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplozivna ubojna sredstva preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 26 manjih intervencija i to: devet na gašenju niskog rastinja, jednu na gašenju električnog stuba, četiri na gašenju dimnjaka, jednu na gašenju pomoćnog objekta-šupe, jednu na gašenju napuštene kuće, dvije na gašenju automobila, tri na gašenju smeća u kontejnerima, jednu na kontrolisanom spaljivanju dimnjaka, jednu na obezbjeđenju sportskog događaja i tri tehničke intervencije (dva zaglavljena lifta i jedno sapiranje platforme na Međunarodnom aerodromu Sarajevo).

NAPOMENA: U toku prethodna 24 sata Profesionalna vatrogasna jedinica imala je 12 manjih intervencija i to: pet na gašenju niskog rastinja, tri na gašenju dimnjaka na kućama, jednu na gašenju automobila i tri na gašenju smeća u kontejnerima.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu je iznosila 9 °C, relativna vlažnost zraka 68 % a barometarski pritisak 940,2 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po ustaljenim redovima vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućoj Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1